



CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A ASOCIACIÓN CULTURAL "O CASTRO", DE BAIÓN-VILANOVA DE AROUSA, PARA O FINANCIAMENTO DOS GASTOS DERIVADOS DA EXECUCIÓN DO PROGRAMA DE DINAMIZACIÓN E ACOMPAÑAMENTO ÁS PERSOAS MAIORES DENTRO DO PROXECTO DE "ENVELLECE COMIGO" NO EXERCICIO 2023.

Lugar e data da sinatura dixital

REUNIDOS

Dunha parte:

Dona Fabiola García Martínez, na súa condición de conselleira de Política Social e Xuventude, nomeada polo Decreto 60/2022, do 15 de maio, en uso das facultades que lle veñen atribuídas no artigo 34 da Lei 1/1983 do 22 de febreiro, de normas reguladoras da Xunta e da súa Presidencia, así como no Decreto 58/2022, do 15 de maio, polo que se establece a estrutura orgánica da Xunta de Galicia, no Decreto 73/2022, do 25 de maio, polo que se fixa a estrutura orgánica das vicepresidencias e das consellerías da Xunta de Galicia, e no Decreto 124/2022, de 23 de xuño, polo que se establece a estrutura orgánica da Consellería de Política Social e Xuventude e no establecido no Acordo do Consello da Xunta de Galicia, do 27 de marzo de 1991.

Doutra parte:

Don José Sabarís Casal, con DNI 76853967L, presidente da **Asociación Cultural "O Castro" de Baión-Vilanova de Arousa**, con NIF G36116879, que actúa en nome e representación da entidade en virtude do seu nomeamento por acordo da asemblea xeral do 28/03/2014, de acordo co disposto no artigo 12 dos seus estatutos.

Interven en función dos seus respectivos cargos e no exercicio das facultades que para que no nome das entidades que representan teñen conferidas

EXPOÑEN

I. Que as Administracións Públicas poden celebrar convenios de colaboración con outras administracións ou entes de dereito público e con persoas físicas ou xurídicas ao abeiro do disposto no capítulo VI do título preliminar da Lei 40/2015, do 1 de outubro, do réxime xurídico do sector público.

II. Que a Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

III. Que a Consellería de Política Social e Xuventude é o órgano superior da administración autonómica ao que lle corresponde as competencias en materia de servizos sociais, conforme ao Decreto 124/2022, do 23 de xuño, polo que se establece a estrutura orgánica da Consellería de Política Social e Xuventude e a través da Dirección Xeral de Maiores e Atención Sociosanitaria, ten entre as súas funcións e competencias as relativas á atención





das persoas maiores, e no marco desas competencias están comprendidas as funcións dirixidas ao fomento de programas e actividades de promoción da autonomía persoal, de promoción do envellecemento activo así como o fomento das relacións interxeracionais.

IV. Que a Asociación Cultural "O Castro" de Baión-Vilanova de Arousa, entidade de natureza asociativa, figura inscrita no Rexistro Central de Asociacións con número 2013/17313-1, de acordo co establecido no artigo 10 da Lei Orgánica 1/2002, do 22 de marzo, reguladora do dereito de asociación, e ten por finalidade a atención ás persoas maiores, para a mellora da súa vida persoal e social, fundamentalmente a través do voluntariado.

Así mesmo a Asociación Cultural "O Castro" de Baión-Vilanova de Arousa, figura inscrita no Rexistro de Entidades Prestadoras de Servizos Sociais co número E-6298.

V. Que ambas partes son conscientes do papel activo que deben desenvolver as persoas maiores na sociedade, tendo ademais en conta que son un colectivo cada vez máis numeroso e con maior formación e información, polo que é preciso desenvolver programas que promovan o envellecemento activo e fomenten a súa integración e participación na sociedade, a través de medidas de apoio orientadas ao desenvolvemento deste tipo de programas por parte do tecido asociativo integrado polas entidades de iniciativa social que traballan na atención ás persoas maiores, dado que desenvolven unha importante labor complementaria á financiada a través dos recursos da Administración pública.

Actualmente faise preciso establecer medidas orientadas á prevención da situación de dependencia e promoción da autonomía persoal das persoas maiores, mellorando a comunicación, conexión e relación coa contorna. Neste senso a Asociación Cultural "O Castro" de Baión-Vilanova de Arousa, leva a cabo programas que promoven o envellecemento activo e fomentan a integración e participación das persoas maiores na sociedade, entre os que se atopa o Programa de dinamización e acompañamento ás persoas maiores a través de persoas voluntarias, para facilitar o referido envellecemento activo, e polo tanto mellorar a calidade de vida. O programa abrangue os tres piares nos que se fundamenta o envellecemento activo: físico, social e mental.

A Asociación Cultural "O Castro" de Baión-Vilanova de Arousa leva a cabo un Programa de voluntariado para a atención ás persoas maiores, o Programa de dinamización e acompañamento ás persoas maiores dentro do proxecto de envellece comigo, dirixido a persoas que viven en soidade, para tratar de mellorar a súa vida persoal e social, tratando de promover un envellecemento activo. Deste xeito as persoas maiores poden seguir coa súa vida cotiá na súa residencia habitual coa axuda e atención que se lle presta dende a asociación.

A pretensión do dito programa é facilitar o envellecemento activo e, polo tanto, mellorar a calidade de vida e a reincorporación dos maiores á vida social, enfatizando as actividades en comunidade e o intercambio con diversos grupos sociais e culturais, dentro e fora da propia asociación .

En desenvolvemento dos tres piares fundamentais do envellecemento activo son o físico, o social e o mental lévase a cabo un traballo específico sobre a saúde física través da



labor da enfermeira da asociación, que realizará funcións de promoción, mantemento e realización de actividades de exercicio físico, de mellora da alimentación e do autocoidado; así como un traballo específico sobre o seu estado de ánimo, a través das actuacións e exercicios de dinamización sociocultural, traballando a súa emocionalidade e socialización a través da relación cos voluntarios e os demais usuarios; e desenvolvendo actuacións de coidado da saúde mental a través de actividades cognitivas propostas pola traballadora social.

Este programa desenvólvese na Casa da Cultura de Baión. As zonas de influencia abranguen ademais da parroquia de Baión, parroquias de concellos próximos como Tremoedo, Andrés, Caleiro e Vilanova, do Concello de Vilanova de Arousa. As parroquias de Godos e Saiar do Concello de Caldas de Reis. As parroquias de Rubiáns, Solobeira, Cornazo, Cea e Vilagarcía, do Concello de Vilagarcía de Arousa. As parroquias de Paradela, Mosteiro e as Tres Nogueiras, do Concello de Meis. As parroquias de Leiro, Lois, Besomaño, Barrantes e Ribadumia, do Concello de Ribadumia. As parroquias de Oubiña, Vilariño, Corvillón e Cambados, do Concello de Cambados e o Concello de Catoira.

Estamos a falar de zonas rurais cunha poboación maioritariamente envellecida, onde as zonas residenciais adoitan a estar afastadas entre si e mal comunicadas cos núcleos urbanos. É alí onde se concentra a maior densidade de poboación maior de 65 anos e que en moitos casos viven sós, unha situación que se está a estender hoxe en día. Así mesmo danse situacións de persoas maiores que conviven con familiares, pero que pasan a maior parte do tempo en soidade por mor da falta de conciliación. Todos eles, fora dos núcleos que constitúen as capitais municipais, teñen unha alta dispersión poboacional así como un avellentamento da poboación.

A través das actividades do presente programa as persoas maiores residentes no ámbito de actuación da Asociación Cultural "O Castro" de Baión-Vilanova de Arousa poderán relacionarse, participar en dinámicas que melloren a súa autoestima e a súa autonomía persoal, para os que queren manterse activos no desenvolvemento das actividades da vida diaria, preservando a súa saúde. Os maiores destas parroquias poderán ter máis facilidades para realizar actividades necesarias para sentirse activos e independentes.

VI. Conforme ao exposto, é do interese da Consellería de Política Social e Xuventude subscribir un convenio de colaboración coa entidade Asociación Cultural "O Castro" de Baión-Vilanova de Arousa, para o financiamento dos gastos derivados da execución do dito Programa de dinamización e acompañamento ás persoas maiores, para facilitar o envellecemento activo no exercicio 2023 a través da concesión dunha subvención.

Que a entidade Asociación Cultural "O Castro" de Baión-Vilanova de Arousa, realiza actividades consideradas de interese social susceptibles de ser subvencionadas polo procedemento de concesión directa ao abeiro do disposto nos artigos 19.4 c) da Lei 9/2007, do 13 de xuño, de subvencións de Galicia, e no 36 c) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, en tanto en canto a asociación leva a cabo un programa co obxectivo de mellorar á calidade de vida persoal e social, das persoas maiores, tratando de promover un envellecemento activo.





A especificidade do programa ven determinada polas características da actividade que se vai financiar por razón do colectivo ao que van dirixidas, sendo a Asociación Cultural "O Castro" de Baión-Vilanova de Arousa a única entidade no ámbito territorial de aplicación que conta coa infraestrutura material e os medios humanos esixibles, así como o coñecemento das necesidades do colectivo ao que van dirixidas, polo seu contacto directo con elas a través das persoas voluntarias que prestan servizos na dita Asociación, o cal imposibilita a súa convocatoria pública.

Do mesmo xeito, a súa adecuación ao ámbito competencial da Consellería de Política Social e Xuventude previsto no Decreto 124/2022, do 23 de xuño, na área específica da Dirección Xeral de Maiores e Atención Sociosanitaria, e as específicas necesidades inherentes ao colectivo ao que van dirixidas, considéranse razóns que acreditan o seu interese social. Polo tanto queda xustificada a concesión directa desta subvención, en aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións.

Por todo o exposto, as partes comparecentes, na representación que ostentan,

ACORDAN

Subscribir un convenio de colaboración para levar a cabo un programa de voluntariado de atención ás persas maiores, en orde as seguintes

CLÁUSULAS

PRIMEIRA. *Obxecto*

O obxecto do presente convenio é a colaboración entre a Consellería de Política Social e Xuventude e a Asociación Cultural "O Castro" de Baión-Vilanova de Arousa, mediante a concesión directa dunha subvención para contribuír ó financiamento dos gastos derivados da execución durante o exercicio 2023 de actividades enmarcadas nos proxectos que promovan o envellecemento activo e fomenten a súa integración e participación na sociedade, concretamente o Programa de dinamización e acompañamento ás persoas maiores dentro do proxecto de "envellece comigo".

Os obxectivos xerais deste programa son:

- a) Favorecer a expresión persoal, a comprensión da realidade e a integración na sociedade a través de diferentes canles artísticas e culturais.
- b) Promover a autonomía e a independencia dos maiores.
- c) Mellorar a comunicación, conexión e relación coa contorna social.

O programa realizarase contando con persoal contratado (traballadora social - coordinadora e animador sociocultural) así como cos 25 voluntarios que prestan servizos na asociación.

SEGUNDA. *Actuacións subvencionables*





As actuacións subvencionables que forman parte do programa durante o período de vixencia desenvólvese nas seguintes áreas:

1) Áreas Sociais. Mellorar a comunicación e interacción social, potenciar a comprensión de estados emocionais e variacións nos mesmos debido ao envellecemento e a situación actual, reforzar a autovaloración e a autoestima a través da participación activa en actividades culturais, favorecer o diálogo, así como a comprensión dos diversos puntos de vista dentro do grupo, fomentar o intercambio con diversos grupos sociais e culturais, dentro e fora da asociación, fomentar a participación das familias e dos demais socios da Asociación "O Castro", procurar os intercambios interxeneracionais, programar actividades intraxeneracionais con outros grupos de Galicia.

2) Áreas Psíquicas. Potenciar a autoestima, mellorar a saúde mental a través de intercambios sociais e a participación en actividades colectivas, identificar emocións e aprender a xestionalas en equipo.

3) Áreas Culturais. Favorecer a expresión persoal, a comprensión da realidade e a integración na sociedade a través de diferentes canles artísticas e culturais como a música e as actuacións teatrais e concretamente:

a) Empregar a música, os seus beneficios e atributos na educación en valores, centrándose no desenvolvemento da intelixencia emocional, a sociabilidade, a tolerancia e a empatía como medios fundamentais na creación de nexos sociais.

Creando actividades específicas para os maiores cos grupos musicais da asociación O Castro, integrándoos coma parte dos mesmos e fomentando a súa inclusión.

b) Empregar a animación cultural como estratexia de integración social con técnicas de acción-reflexión extrapolables á vida cotiá e a resolución de problemas na mesma.

Creando actividades de animación sociocultural conxuntas con outros grupos dentro da Asociación O Castro, coma por exemplo cos rapaces e rapazas con discapacidade do grupo Con Eles, mellorando así o coñecemento doutros grupos sociais habitualmente marxidados e procurando o traballo cara a inclusión real e total sen comportamentos estancos de exclusión.

c) Empregar as actividades teatrais e de danza para integrar aos maiores na nosa cultura, creando actividades conxuntas para os usuarios maiores do proxecto cos grupos de Teatro Aturuxo e o grupo de danza galega da propia asociación.

Por outra banda, é especialmente reseñable o feito de que para as actividades, os usuarios e usuarias contarán cun servizo de recollida a domicilio para asistir as actividades diarias; servizo que levará a cabo un conductor contratado pola Asociación Cultural "O Castro" para dita función, levando o vehículo do que dispón a asociación, e que facilita a inserción no proxecto de persoas que, doutro xeito, non poderían asistir ás actividades por non dispoñer de maneira algunha de asistir.

TERCEIRA. Orzamento





A previsión do orzamento de gastos para o desenvolvemento das actuacións a subvencionar no marco deste convenio que ten previsto desenvolver a Asociación Cultural "O Castro" de Baión-Vilanova de Arousa, ascende á cantidade de 20.000,00€

Para o cumprimento das actuacións que figuran na Cláusula segunda deste convenio, a Consellería de Política Social e Xuventude achegará **vinte mil euros (20.000,00 €)** que serán imputados á aplicación orzamentaria 13.05.312E.481.1 dos orzamentos xerais da Comunidade Autónoma de Galicia para o ano 2023, conforme ao exposto na Lei 6/2022, do 27 de decembro, de orzamentos xerais da Comunidade Autónoma de Galicia para o ano 2023.

O importe da subvención destinarase a cubrir os gastos de natureza corrente efectivamente realizados para o desenvolvemento das actuacións recollidas na Cláusula Segunda no ano 2023

CUARTA: Obrigas da entidade beneficiaria

1. A Asociación Cultural "O Castro" de Baión-Vilanova de Arousa, deberá cumprir todas as obrigas previstas no artigo 11 da Lei 9/2007, do 13 de xuño, de subvencións de Galicia, e deberá cumprir todos os requisitos necesarios para obter a condición de entidade beneficiaria previstos no artigo 10 da Lei 9/2007, do 13 de xuño. Sen prexuízo de todo o anterior, tamén deberá cumprir as obrigas seguintes:

- a) Realizar a actividade ou adoptar o comportamento que fundamenta a concesión da subvención.
- b) Acreditar a realización da actividade, así como o cumprimento dos requisitos ou das condicións que determinaron a concesión da axuda ante o órgano concedente. O cumprimento desta obriga de xustificación realizarase nos termos previstos no artigo 28 da Lei 9/2007, do 13 de xuño e no artigo 30 da Lei 38/2003, do 17 de novembro, xeral de subvencións, na normativa regulamentaria de desenvolvemento e no disposto nas bases reguladoras ou nos instrumentos de concesión.
- c) Someterse ás actuacións de comprobación que deba efectuar a Consellería de Política Social e Xuventude, así como calquera outra comprobación e control financeiro que poidan realizar os órganos de control competentes, tanto nacionais coma comunitarios e achegar tanta información lle sexa requirida no exercicio das actuacións anteriores.
- d) Comunicarlle ao órgano competente da Consellería de Política Social e Xuventude, a obtención de subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.
- e) Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos polas bases reguladoras establecidas no convenio, coa finalidade de garantir o adecuado exercicio das facultades de comprobación e control.





f) Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

g) Proceder ao reintegro dos fondos percibidos nos supostos previstos nos artigos 32 e 33 da Lei 9/2007, do 13 de xuño.

h) Incluír na publicidade e en todo tipo de documentación e información relacionada coas actividades obxecto do programa a subvencionar a través deste convenio e nos lugares onde estas se realicen "subvencionado pola Xunta de Galicia-Consellería de Política Social e Xuventude" co seu respectivo logotipo.

i) Cumprir cantas outras obrigas se deriven da execución deste convenio.

2. Como beneficiaria de subvención pública ao abeiro deste convenio, a Asociación Cultural "O Castro" de Baión-Vilanova de Arousa, obrígase a subministrar á Administración, previo requirimento, toda a información necesaria para que esta última poida cumprir coas obrigas previstas no Título I da Lei 1/2016, do 18 de xaneiro, coas consecuencias, no caso de incumprimento, indicadas no artigo 4 da devandita lei.

QUINTA. Documentación previa

En virtude do disposto na Lei 38/2003, do 17 de novembro, xeral de subvencións e no Real decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións; na Lei 9/2007, do 13 de xuño, e no Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a entidade beneficiaria presentará, con carácter previo á sinatura do convenio e xunto coa descrición das actuacións dos programas a desenvolver, a seguinte documentación:

a) Declaración comprensiva de todas as axudas e subvencións solicitadas ou concedidas para o mesmo programa, ou, de ser o caso, unha declaración de que non solicitaron nin percibiron outras axudas ou subvencións.

b) Declaración responsable, subscrita pola persoa representante da entidade, de non estar incurso nas prohibicións para obter a condición de beneficiaria de subvencións sinaladas nos apartados 2 e 3 do artigo 10 da Lei 9/2007, do 13 de xuño.

SEXTA. Compatibilidade con outras axudas

A subvención prevista neste convenio é compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

O importe da subvención en ningún caso poderá ser de tal contía que, illadamente ou en concorrencia con subvencións ou axudas doutras administracións públicas ou doutros entes públicos ou privados, nacionais ou internacionais, supere o custo total da actividade que vai desenvolver o beneficiario.



SÉPTIMA. Gastos subvencionables

O importe da subvención destinarase a cubrir gastos de persoal e gastos correntes necesarios para a posta en marcha das actuacións do programa a subvencionar descritas na cláusula segundo do convenio, de acordo co recollido na memoria económica.

Segundo o orzamento presentado pola Asociación Cultural "O Castro" de Baión-Vilanova de Arousa, a necesidade de financiamento estimado para o programa "envellece comigo" é de 20.000 € segundo o seguinte desglose:

OBRADOIROS E ACTIVIDADES	4.230 €
• OBRADOIROS	2.600 €
• ACTUACIÓNS TEATRAIS	1.630 €
DESPRAZAMENTOS E MANTEMENTO DO VEHÍCULO	1.400 €
CONDUTOR DO VEHÍCULO	11.670 €
ENCONTRO INTRAXERACIONAL	1.000 €
PUBLICIDADE, PROMOCIÓN E DIFUSIÓN	600 €
IMPRESA E MATERIAIS	1.100 €
TOTAL ORZAMENTO	20.000 €

OITAVA. Xustificación

A data límite de xustificación, para os efectos do artigo 37.2.e) do Decreto 11/2009, do 8 de xaneiro, é o **10 de decembro de 2023**.

En aplicación do artigo 29.2 da Lei 9/2007, do 13 de xuño, e do artigo 42 do Decreto 11/2009, do 8 de xaneiro, considérase gasto realizado o que foi efectivamente pagado con anterioridade á data de finalización do período de xustificación.

Así mesmo, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados, selados e asinados pola entidade beneficiaria.

No suposto de que o xustificante do pagamento inclúa varias facturas, deberase xuntar unha relación delas. No suposto de facturas pagadas conxuntamente con outras non referidas ao programa subvencionado, a xustificación do pagamento débese realizar sempre mediante a achega do correspondente extracto bancario que irá acompañado dun dos seguintes documentos: relación emitida polo banco dos pagamentos realizados, orde de pagamentos da entidade selada polo banco ou recibo da persoa provedora.

Para gastos de escasa contía por importes inferiores a 1.000 euros poderase aceptar a xustificación do pagamento mediante recibo da persoa provedora.



Para os efectos de xustificación, a entidade remitirá á Dirección Xeral de Maiores e Atención Sociosanitaria, da Consellería de Política Social e Xuventude, xunto coa última xustificación do emprego da cantidade restante ata o cumprimento da totalidade do programa e en todo caso con data límite do **10 de decembro de 2023**:

a) Un informe-memoria detallado de cada unha das accións levadas a cabo e/ou as actividades realizadas ao abeiro deste convenio.

b) Deberá de concretarse ao efectos da xustificación dos gastos de persoal e referida á mensualidade ou mensuralidades polas que se solicita a seguinte documentación:

1º. Relación nominal dos traballadores/as que se inclúen como xustificación do programa subvencionado.

2º. Recibos de salarios

3º. Documento de Relación Nominal de Traballadores (RNT) e documento de Relación de liquidación de cotizacións (RLC) dos traballadores correspondentes ao meses imputados.

4º. Impresos de liquidación nominal do IRPF (modelos 111 e 190)

a) Certificación do órgano responsable competente relativa a que as achegas da Consellería de Política Social e Xuventude foron destinadas aos fins para os que foron concedidas.

b) Unha declaración responsable de non ter recibido outras axudas para as actividades obxecto deste convenio ou, de percibilas, detalle doutros ingresos ou subvencións que financiasen a actividade subvencionada, con indicación do importe e a súa procedencia.

c) Unha certificación expedida e asinada polo órgano responsable competente da entidade beneficiaria, dos gastos realizados que incluírá a relación das facturas e xustificantes destes gastos, con identificación dos acredores cos seus NIF, o número e data da factura, o concepto, o importe e a data de pagamento xunto coa achega dos xustificantes ou facturas dos gastos realizados e a acreditación do pagamento efectivo deles, segundo o previsto no artigo 29.2 da Lei 9/2007, do 13 de xuño.

A falta de presentación da xustificación no prazo establecido comportará o reintegro da subvención, ou da parte proporcional non xustificada, e demais responsabilidades establecidas na Lei 9/2007, do 13 de xuño.

Cando formen parte da conta xustificativa documentos de gastos de nóminas ou que comporten ingresos á conta do IRPF ou cotas por seguros sociais de 2023 liquidables con posterioridade á data de xustificación, o importe destes ingresos ou cotas considérase xustificado coa presentación do documento de gasto, factura ou documento equivalente, en que se reflecta o importe da retención ou cotización devengadas na data de xustificación, quedando a entidade beneficiaria obrigada a presentar os documentos acreditativos da súa liquidación con data límite na primeira quincena de febreiro de 2024.





NOVENA. Forma de pagamento

Respecto ao pagamento e forma de xustificación da subvención estarase ao disposto na Lei 38/2003, do 17 de novembro, e no Real decreto 887/2006, do 21 de xullo, na Lei 9/2007, do 13 de xuño e no Decreto 11/2009, do 8 de xaneiro.

O libramento farase nunha conta corrente da que sexa titular a entidade beneficiaria nas seguintes condicións:

- A) Efectuarase un pagamento do 70 % da totalidade da subvención, con carácter de anticipo a conta da liquidación, unha vez asinado o presente convenio.
- B) O 30 % restante farase efectivo unha vez rematadas tódalas actividades dos programas a subvencionar e aportando a documentación indicada na cláusula oitava.

Con carácter previo ao pagamento poderá consultarse, salvo oposición por parte da entidade beneficiaria, o cumprimento das súas obrigas tributarias, coa Seguridade Social e coa facenda da Administración Pública da Comunidade Autónoma de Galicia, así como non ser debedor por resolución de procedemento de reintegro. De opoñerse terá que facelo de xeito expreso tal e como sinala o artigo 28 da Lei 39/2015, do 1 de outubro, de procedemento administrativo común das administracións públicas, e achegar os xustificantes ou documentación necesaria para acreditar o seu cumprimento, se é o caso.

Para a tramitación das condicións de pagamento previstas nos apartados anteriores, a entidade beneficiaria da subvención queda exonerada da constitución de garantía ao entrar no suposto previsto no artigo 65.4.f) do Decreto 11/2009, do 8 de xaneiro.

DÉCIMA. Incumprimentos, reintegros e sancións

Producirase a perda do dereito ao cobro total ou parcial da axuda no suposto de falta de xustificación do cumprimento das actividades a subvencionar a través do convenio, dos deberes contidos nestas cláusulas ou na demais normativa aplicable, así como polas causas de resolución previstas no artigo 33 da Lei 9/2007, do 13 de xuño, o que dará lugar á obriga de devolver total ou parcialmente a axuda percibida, así como os xuros de demora correspondente.

Entenderase incumplida a obriga de xustificar cando a Administración, nas súas actuacións de comprobación ou control financeiro, detectase que na xustificación realizada polo entidade beneficiaria se inclúsen gastos que non respondesen á actividade subvencionada, que non supuxesen un custo susceptible de subvención, que fosen xa financiados por outras subvencións ou recursos, ou que se xustificasen mediante documentos que non reflectisen a realidade das operacións.

O procedemento para declarar a orixe da perda do dereito de cobramento da axuda e para facer efectiva a devolución a que se refire o apartado anterior será o establecido no Título II da Lei 9/2007, do 13 de xuño.

Sempre que se cumpran os requisitos ou condicións esenciais reflectidos no convenio, a Consellería de Política Social e Xuventude poderá apreciar un incumplimento parcial e deberá resolver sobre o seu alcance, aplicando a mesma ponderación que tivera a condición incumplida no convenio e, se é o caso, establecendo o deber de reintegro.





Cando se trate de condicións referentes á contía ou conceptos do obxecto subvencionable, o alcance do incumprimento determinarase proporcionalmente ao gasto deixado de practicar ou aplicado a conceptos distintos dos considerados subvencionables e, se é o caso, deberán reintegrarse as cantidades percibidas en dita proporción. Con carácter xeral, se o incumprimento superara o 65% da actividade obxecto da subvención, entenderase que dito incumprimento é total, e deberán reintegrarse todas as cantidades percibidas e o seus xuros de demora.

Á entidade beneficiaria da subvención concedida en virtude deste convenio seralle de aplicación o réxime de infraccións e sancións previstas no Título IV da Lei 9/2007, do 13 de xuño, e no Título VI do seu regulamento.

DÉCIMO PRIMEIRA. *Inexistencia de relación laboral*

A Asociación Cultural "O Castro" de Baión-Vilanova de Arousa, queda facultada para designar o persoal necesario para realizar as actividades propostas.

A subscrición do presente convenio non leva consigo relación laboral nin contractual entre a Consellería de Política Social e Xuventude e as persoas que realicen as actividades obxecto do programa a subvencionar, de tal xeito que non se lle poderá esixir ningunha responsabilidade, nin directa nin subsidiaria, polos actos ou feitos acaecidos no desenvolvemento del.

A Asociación Cultural "O Castro" de Baión-Vilanova de Arousa, asume a responsabilidade respecto do persoal que asume as obrigas de levar a cabo as actividades establecidas no convenio, así como aquelas derivadas das relacións contractuais, reservándose as dúas partes contratantes deste convenio o dereito ao exercicio das accións pertinentes tanto resolutorias como indemnizatorias no suposto de paralización dalgunha actividade.

DÉCIMO SEGUNDA. *Subcontratación*

Asociación Cultural "O Castro" de Baión-Vilanova de Arousa é a beneficiaria directa da subvención obxecto deste convenio, asumindo a total responsabilidade da execución da actividade subvencionada fronte á administración. Non obstante, autorízase a subcontratación da execución destes programas, ata o 80% do importe total das actuacións financiadas a través deste convenio, para a debida execución das actividades programadas, de acordo co recollido na memoria económica.

Asociación Cultural "O Castro", no seu caso, comunicará a Dirección Xeral de Maiores e Atención Socio sanitaria da Consellería de Política Social e Xuventude. A estes efectos será de aplicación o establecido no artigo 29 da Lei 38/2003, do 17 de novembro, e 27 da Lei 9/2007, do 13 de xuño.

DÉCIMO TERCEIRA. *Comisión de seguimento e control*

Para o seguimento e coordinación das accións previstas no presente convenio crearase unha comisión mixta e paritaria na que estarán representados as partes asinantes do convenio. Esta comisión, que se reunirá por petición de calquera das partes, será o mecanismo de actuación conxunta para o seguimento e avaliación das actuacións estipuladas no presente convenio, e estará formada por dous representantes da





Consellería de Política Social e Xuventude e dous representantes da Asociación Cultural "O Castro" de Baión-Vilanova de Arousa, designados polas persoas que representen a cada unha das partes, así como os seus suplentes.

A persoa que ocupe a presidencia será unha das persoas representantes da Administración designada pola persoa titular da Dirección Xeral de Maiores e Atención Sociosanitaria.

A persoa que ocupe a secretaría, así como a súa suplencia, será unha persoa adscrita á Dirección Xeral de Maiores e Atención Sociosanitaria, designada pola persoa que asuma a Presidencia, que actuará con voz pero sen voto.

Como órgano colexiado a comisión someterase ao réxime establecido na Lei 40/2015, do 1 de outubro, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

DÉCIMO CUARTA. *Vixencia*

O presente convenio estenderá os seus efectos dende a súa formalización e terá vixencia ata o 31 de decembro de 2023.

Non obstante, os gastos das accións englobadas no programa a subvencionar a través do presente convenio que realízase a Asociación Cultural "O Castro" de Baión-Vilanova de Arousa, dende o 1 de xaneiro de 2023 tamén poderán ser subvencionadas ao seu abeiro coa achega da Consellería de Política Social e Xuventude.

DÉCIMO QUINTA. *Obrigas da publicidade*

O presente convenio será obxecto de publicidade e inscrición de conformidade co disposto no artigo 15 da Lei 1/2016, do 18 de xaneiro, e no Decreto 126/2006, do 20 de xullo, polo que se regula o rexistro de convenios da Xunta de Galicia. Así mesmo, será obxecto de publicación e inscrición en cumprimento do disposto no artigo 17 da lei 1/2016, do 18 de xaneiro, o artigo 15 da Lei 9/2007, do 13 de xuño, e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

As partes asinantes consenten dar publicidade dos seus datos persoais e demais especificacións recollidas no presente instrumento de colaboración o Portal de Transparencia e Goberno Aberto.

De conformidade coa Lei 38/2003, do 17 de novembro, o instrumento de colaboración e a información sobre a subvención serán comunicados á Base de Datos Nacional de Subvencións.

DÉCIMO SEXTA. *Información básica sobre protección de datos persoais*

As partes asinantes deste convenio garantirán a confidencialidade dos datos persoais aos que teñan acceso como consecuencia das actuacións realizadas en execución deste e de conformidade co disposto na Lei orgánica 3/2018, de 5 de decembro, de protección de datos persoais e garantía dos dereitos dixitais e no Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e a libre circulación de





estes datos e polo que se derroga a Directiva 95/46/CE (Regulamento xeral de protección de datos).

Os datos persoais recadados neste procedemento serán tratados na súa condición de responsable pola Xunta de Galicia-Consellería de Política Social e Xuventude coa finalidade de levar a cabo a tramitación administrativa derivada da xestión da concesión directa a través deste convenio que comprende verificar os datos e documentos que a entidade interesada achegue para comprobar a exactitude destes, levar a cabo as actuacións administrativas que se deriven e informar sobre o estado de tramitación.

O tratamento dos datos baséase no cumprimento dunha misión de interese público ou no exercicio de poderes públicos, conforme ás referencias recollidas no enlace <https://www.xunta.gal/información-xeral-proteccion-datos> derivada dunha competencia legalmente atribuída ao responsable do tratamento, así como o cumprimento das obrigas legais impostas ao dito responsable de conformidade co disposto no artigo 6.1, letras c) e e) do Regulamento (UE) 2016/679 do Parlamento Europeo e do Consello, do 27 de abril de 2016 e o artigo 8 da Lei orgánica 3/2018, do 5 de decembro, e en concreto a competencia e obrigas previstas nos preceptos básicos da Lei 38/2003, do 17 de novembro, da Lei 9/2007, do 13 de xuño, na Lei 39/2015, do 1 de outubro, na Lei 1/2016, do 18 de xaneiro e na Lei 4/2019, do 17 de xullo, de administración dixital de Galicia. Con todo, determinados tratamentos poderán fundamentarse no consentimento das persoas interesadas, reflectíndose esta circunstancia de conformidade coa normativa de aplicación.

A referencia a publicidade, en cumprimento da normativa de transparencia e subvencións, axustarase a dita normativa e coas limitación que esta establece.

Como destinatarios os datos serán comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos ou para que os cidadáns poidan acceder de forma integral á información relativa a unha materia.

As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, no seu caso, o consentimento outorgado a través da sede electrónica da Xunta de Galicia, ou nos lugares e rexistros establecidos na normativa reguladora do procedemento administrativo común, segundo se recolle en <https://www.xunta.gal/exercicio-de-dereitos>. O contacto coa persoa delegada de protección de datos e máis información consultarase no enlace <https://www.xunta.gal/proteccion-datos-persoais>.

DÉCIMO SÉTIMA. Réxime xurídico

O presente convenio terá carácter administrativo rexéndose nos seus efectos polo establecido nas súas cláusulas, na Lei 38/2003, do 17 de novembro, no Real decreto 887/2006, do 21 de xullo; na Lei 9/2007, do 13 de xuño; no Decreto 11/2009, do 8 de xaneiro e na Lei 40/2015, do 1 de outubro. No seu defecto, para resolver as lagoas e dúbidas que puideran presentarse, rexerase polo establecido na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.



As cuestións litixiosas xurdidas acerca da interpretación, modificación e resolución serán resoltas pola Consellería de Política Social e Xuventude poñendo os seus acordos fin á vía administrativa.

Contra elas cabe recurso potestativo de reposición ante o mesmo órgano que ditou a resolución, segundo o previsto no artigo 124 da Lei 39/2015, do 1 de outubro, no prazo de un mes se a resolución fose expresa.

Se o acto non fora expreso, poderá interpor recurso de reposición en calquera momento a partir do día seguinte a aquel en que se produza o acto presunto, ou poderá interpoñer directamente recurso contencioso - administrativo, no prazo de dous meses contados desde o día seguinte á notificación do acto que poña fin á vía administrativa, se este fose expreso.

Se non o fora, o prazo será de seis meses e contarase, para o solicitante e outros posibles interesados, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso - administrativa.

Para tales efectos o tribunal competente será o Tribunal Superior de Xustiza de Galicia.

E en sinal de conformidade coas estipulacións do presente convenio, o asinan ambos os dous comparecentes no lugar e na data da sinatura dixital.

Pola Consellería de Política Social e
Xuventude

Pola Asociación Cultural "O Castro" de
Baión-Vilanova de Arousa,

A conselleira de Política Social e Xuventude

O presidente

Fabiola García Martínez

José Sabarís Casal

